



Број/Број: 03-50-1-1034-2-3/09
Сарајево/Sarajevo 25.09.2009. godine

ZAPISNIK

2. sjednice Odbora za žalbe građana Parlamentarne skupštine Bosne i Hercegovine, održane 23.09.2009. godine

Другу сједницу Одбора за жалбе грађана Парламентарне скупштине БиХ сазвао је предсједник Одбора, Мате Милетић.

Сједници Одбора, у својству чланова, присуствовали су: Амела Башић – прва замјеница предсједника, Борислав Радић – други замјеник предсједника, Даника Берић, Ермин Пешто, Маријан Милићевић и Хамида Карчић, Жељко Грубешић – савјетник у Одбору, те Аида Крехо - привремени секретар Одбора за жалбе грађана Парламентарне скупштине Босне и Херцеговине.

Сједници су такође присуствовали: Медина Делалић – Парламентарна скупштина Босне и Херцеговине, Јасмин Рамовић - ЕУПМ и Catharina De Lange – ОХР.

Сједница Одбора почела је у 14 сати.

Након што је констатирано да постоји кворум, предложен је слjedeћи

DNEVNI RED

1. Усвајање записника с конституирајуће сједнице Одбора за жалбе грађана Парламентарне скупштине Босне и Херцеговине;
2. Разматрање Нacrта пословника о раду Одбора за жалбе грађана Парламентарне скупштине БиХ;
3. Текућа питања.

Дневни ред је једногласно усвојен.

Ad.1. Usvajanje zapisnika s konstituirajuće sjednice Odbora za žalbe građana Parlamentarne skupštine Bosne i Hercegovine

Zapisnik s konstituirajuće sjednice Odbora za žalbe *jednoglasno je usvojen*.

Marijan Miličević predložio je da se svi materijali članovima Odbora dostavljaju u sve tri jezičke varijante. *Prijedlog je jednoglasno prihvaćen*.

Ad.2. Razmatranje Nacrta poslovnika o radu Odbora za žalbe građana Parlamentarne skupštine BiH

Predsjednik Odbora je, prije otvaranja rasprave o Nacrtu poslovnika Odbora za žalbe građana, podsjetio članove Odbora da su Amela Bašić, Ermin Pešto te Danica Berić, u međuvremenu, dostavili i sugestije za izmjenu pojedinih članova Nacrta poslovnika. Nakon uvodnih riječi, pristupilo se raspravi.

➤ Borislav Radić predložio je dopunu naziva Poslovnika, tako da glasi: *„Poslovnik o radu Odbora za žalbe građana na rad policijskih službenika u policijskim tijelima“*. *Prijedlog je jednoglasno usvojen*.

➤ U skladu sa sugestijama koje je dostavila gđa. Bašić, članovi Odbora *jednoglasno su prihvatili* da član 1. (Predmet), bude dopunjen i glasi:

„Član 1.

(Predmet)

Ovim poslovníkom uređuju se način i postupak rada, a naročito: sjedište i pečat, način zakazivanja sjednica, način i postupak vođenja zapisnika, postupak u vezi sa raspravljanjem i odlučivanjem, kao i druga pitanja značajna za rad Odbora za žalbe građana na rad policijskih službenika u policijskim tijelima Parlamentarne skupštine Bosne i Hercegovine (u daljem tekstu: Odbor)“.

➤ U članu 2. Nacrta poslovnika, članovi Odbora *jednoglasno su prihvatili* da se izmjeni stav (2) te da glasi: *„(2) Odbor za ovjeru svojih odluka i drugih službenih akata u okviru svog djelokruga, rada i korespondencije koristi memorandum i službeni pečat Parlamentarne skupštine Bosne i Hercegovine“*.

➤ U raspravi u kojoj su učestvovali svi članovi Odbora, sa 6 glasova „za“ i jednim „suzdržanim“ glasom članovi Odbora prihvatili su da se stavovi (3), (4) i (5) člana 3. (Struktura Odbora) mijenjaju i glase:

(3) *Administrativno-tehničku i stručnu pomoć Odboru pružaju lica ovlaštena od Zajedničke službe Sekretarijata Parlamentarne skupštine Bosne i Hercegovine.*

(4) *Lica iz stava (3) ovog člana zadužena su da:*

a) *otvore interne dostavne knjige putem kojih će se vršiti zavođenje i razvođenje predmeta;*

b) *vrše prijem, zavođenje, razvođenje i otpremanje pošte;*

c) *dostavljaju pozive članovima za prisustvovanje sjednici Odbora;*

d) *arhiviraju predmete za koje je donesena konačna odluka Odbora;*

e) *snimaju sjednice u cilju sačinjavanja zapisnika;*

f) *vode sve odgovarajuće evidencije, baze podataka o pristiglim žalbama i druge evidencije u skladu sa Zakonom i drugim propisima.*

(5) *Poslovi iz prethodnog stava se obavljaju u skladu sa Pravilnikom o kancelarijskom poslovanju u Parlamentarnoj skupštini BiH“.*

➤ G. Radić predložio je da se naziv člana 5. (Prava i dužnosti predsjednika Odbora) uskladi s formulacijom iz Zakona o nezavisnim i nadzornim tijelima policijske strukture BiH, te glasi: „*Dužnosti i odgovornosti predsjednika Odbora*“.

Prijedlog je jednoglasno prihvaćen.

Gospođa Bašić predložila je da su u članu 5. doda nova tačka g) koja glasi: „g) *određuje procedure u vezi sa davanjem svih informacija podnosiocu žalbe u vezi sa njegovom žalbom*“.

Članovi odbora nisu prihvatili prijedlog Amele Bašić, sa 6 glasova „protiv“ i jednim glasom „za“.

➤ *Jednoglasno je prihvaćeno* da se naziv poglavlja III. mijenja i glasi: „*Način rada i djelokrug Odbora*“.

➤ U članu 7. (Zakazivanje sjednice Odbora) Ermin Pešto predložio je da se stav (4) dopuni i glasi: „(4) *Članovima Odbora se, u pravilu, na vrijeme dostavlja materijal koji je u vezi sa dnevnim redom, a najkasnije tri dana prije održavanja sjednice*“.

Prijedlog je jednoglasno prihvaćen.

➤ U članu 9. (Zapisnik) članovi Odbora jednoglasno su prihvatili prijedlog Amele Bašić da stav (2) glasi: „*Zapisnik sadrži sljedeće podatke: redni broj sjednice, dan i sat početka i završetka sjednice, ime predsjedavajućeg sjednice, imena prisutnih i odsutnih članova Odbora, imena lica koja prisustvuju sjednici po pozivu, kao i lica koja uz saglasnost predsjednika i ostalih članova prisustvuju sjednicama, te dnevni red, zaključke po pojedinim tačkama i rezultate glasanja*“.

➤ U članu 11. članovi Odbora jednoglasno su odlučili da tačka d) u stavu (2) glasi: „*d) podatke o policijskom službeniku na kojeg se žalba odnosi*“.

Također, članovi Odbora su sa 6 glasova „za“ i jednim „suzdržanim“ glasom, prihvatili da stav (3) glasi: „*(3) Odbor ima pravo da razmatra i žalbe koje ne sadrže elemente iz stava (2) ovog člana*“.

➤ Amela Bašić predložila je da se član 12. (Prijem i postupanje sa primljenim žalbama) mijenja i glasi:

„Član 12.

(Prijem i postupanje sa primljenim žalbama)

(1) Svi predmeti koji su dostavljeni Odboru i koji su prethodno protokolisani i evidentirani u odgovarajuće evidencije od strane lica iz člana 3. stav (3) ovog Poslovnika, zadužuju se na sjednici Odbora.

(2) Predmeti se ravnomjerno raspoređuju predsjedniku, zamjenicima i članovima Odbora.

(3) Nakon što zaduži predmet iz stava (2) ovog člana, izvjestilac je dužan na prvoj narednoj sjednici upoznati članove Odbora o stanju u spisu predmeta i svim bitnim okolnostima vezanim za predmet.

(4) Izuzetno, iz opravdanih razloga, što procjenjuje predsjednik Odbora, može se odstupiti od raspoređivanja utvrđenog u prethodnom stavu.“

Prijedlog je jednoglasno prihvaćen.

➤ U članu 13. (Javnost rada), Ermin Pešto predložio je dodavanje novog stava (3) koji glasi: „*(3) Podatke i obavještenja o radu Odbora, sredstvima javnog informiranja daje predsjednik Odbora ili, po njegovom ovlaštenju, zamjenici predsjednika*“.

Prijedlog je jednoglasno prihvaćen.

Na kraju, članovi Odbora jednoglasno su prihvatili Poslovnik o radu Odbora za žalbe građana na rad policijskih službenika u policijskim tijelima i odlučili dostaviti ga Parlamentarnoj skupštini BiH na usvajanje.

Ad.3. Tekuća pitanja

➤ Prilikom rasprave o daljim aktivnostima Odbora, članovi Odbora zaključili su da je neophodno prije svega sačekati usvajanje Poslovnika o radu Odbora za žalbe građana u Parlamentarnoj skupštini Bosne i Hercegovine, u cilju organizacije rada Odbora, a do tog trenutka sredstvima javnog informiranja dostaviti saopćenje o početku rada Odbora za žalbe građana, te istovjetnu informaciju postaviti na veb-stranicu Parlamentarne skupštine. U skladu s tim, odlučeno je da se naredna sjednica Odbora zakaže za utorak, 29.09.2009. godine, te da na toj sjednici Odbora, članovi utvrde tekst saopćenja za štampu i informacije za veb-stranicu Parlamentarne skupštine.

Sjednica Odbora za žalbe građana Parlamentarne skupštine Bosne i Hercegovine završena je u 16:30.

Privremeni sekretar
Odbora za žalbe građana
Aida Kreho

Predsjednik
Odbora za žalbe građana
Mate Miletić